

Τῷ Θεῷ ἐυλογῶντι οὐ συνεργόντι,

DISSERTATIO PHILOLOGICA,

De

SACRIS IGNIVM  
APUD GENTILES,

*Quam*

Applaudente Ampliss: FACULT: PHILOS:  
In Lycéo Abodico:

SUB PRÆSIDIO,

*Viri Amplissimi*

DN. M. DAVIDIS CVM

Poëseos Professoris celeberrimi, Præ-  
ceptoris & Promotoris optimi, omni  
observantiae cultu ætatem  
devenerandi.

*Publicæ οὐλητήσι speciminis loco mo-  
destè sistit*

JOHANNES J. ROGBERGIUS,  
Jun. Smol. Reg. Alumnus.

*In Acroaterio Maximo die 4. Junii 1690.  
horis consuetis.*

Exc. apud Joh. WALLIUM, A. T.

REVERENDISSIMO IN CHRISTO  
PATRI AC DOMINO,

DN. JOHANNI GE-  
ZELIO,

S. S. THEOLOGIÆ DOCTORI  
LONGE CELEBERRIMO, DIOE-  
CESEOS ABOENSIS EPISCOPO  
EMINENTISSIMO, ET ACADEMIÆ  
PRO-CANCELLARIO MAGNIFI-  
CO, NEC NON VENERANDI  
CONSISTORII ECCLESIASTICI  
PRÆSIDI GRAVISSIMO, MOE-  
CENATI AC PATRONO MAXI-  
MO, HUMILIMA MENTE ÆTER-  
NUM SUSPICIENDO.

SALUTEM ET PA

*Pl. Reverend: Rev. Clariss. Spectatiss. Venerab.  
ac Doctissimis Viris,*

**DN. M. ERLANDO DRYSELIO,**  
Pastori Junecopiae & in Hungarum meritissi-  
mo, nec non Zveta districtus Præposito  
Gravissimo, Patrono ut desideratissimo, ita  
omni pietate ætatem prosequendo.

**DN. ANDREÆ HORNÆO,** Pastori Eccle-  
siarum Rogbergensis ac Yggestorpenis di-  
gnissimo, Promotori optimo, filiali obsequio  
semper colendo.

**DN. Mag. PETRO BEET,** Schol. Junecop. Re-  
ctori dignissimo, Pastori in Barnarp &  
Månsarp laudatiss. ut antea Præceptoris fi-  
del. ita nunc Promotori indubit: omni ze-  
lo venerando,

**DN. ERICO REGNÆ** Pastori in Järnås &  
Forsarum vigilansissimo Evergetæ Benefacto-  
ri ac fautori sincerè honorando.

**DN. JACOBO JACOBI,** comitatus Kimito-  
ensis, non ita pridem Prætori prudentiss.  
fidelissimoq; Promotori ac Nutrictio libera-  
lissimo, omni officii genere colendo.

**DN. GABRIELI SVIDIELINO,** Eccles Kimi-  
toens: Sacellano opimè merito, Evergetæ ac  
benefactori grata mente honorando.

**DN. MARCO AURELIO** Prædict. eccles V.D.  
communistro dexterissimo, fautori ac Amico  
perpetim amando.

**CETERA DOMINO!**

**A**dmirationem multis haud dubie movebunt mei conatus, atque diversa judicia elicent primo intuitu; cum TuqMago ac tutelari nomine, *Rev. Episcopē* hic immaturus fœrus exornatus prodit. Sed motus hos, ut spero, sedabunt facile causæ non tam svadentes quam imperantes hujus instituti, quæ simul omnem audaciæ suspicionem diluent. Primum locum obtinet *Rever. Paternitatis* Tua favor ad astra extollendus, qui omnes ad Auram in castis Apollinis militantes refrigeriis melle dulcioribus recreat. Imo hæc Tua *Rev. Dn. Episc.* virtus jubare suo vicina remotaque loca illustrat. Senserunt hos bonitatis radios diu Narvens. ut & aliarū nationū membra, quæ dextro sidere, ut studiorum subsidia invenirent, ad *Rever. Episcopi* confugerunt Præsidium. En! Divino pectori præciarius est beneficiorum, quam trophyorum relinquere monumenta. Bonitatis præterea Nobilissimæ Domus cumuli summi, calcar mihi currenti addidere, quos tamen in præsentia potius venerando silentio involvam, qvam tenerâ voce debeatabo. Illud tamen summæ gratiæ documentum iam non tacebo, quod *Reverend:us Dn.* quondam *Episcopus ac Pro-Cancell.* Literarum præsidium, virtutum imago, ecclæ-

siꝝ Ductor, Studiosorum, præsertim pauper-  
tatis telo pressorum levamen maximum, iam  
in cœlis inter electos triumphans nitida ſel-  
la, favore verè eximio me infimum clientu-  
lum, cui paupertas ab ipsis incunabulis stete-  
rat comes, amplexus sit. Cujus obitus, Ecele-  
ſiæ, cordatorum omnium, ut & meum vul-  
tum, atrâ tristitiae nebulâ, obfuscavit. Ad  
Te igitur Reverendiss. Dn. Episcop.. tanti Pa-  
rentis in dignitate, meritis & bonitate successo-  
rem, humilimâ mente has ingenii mei primi-  
tias, simplici stylo adumbratas dero. Respi-  
ce Reverend. Dn. Episcop. serenâ fronte le-  
vidense munus. Ego interea & ſemper cer-  
nuus Cœleſte Numen ſpiriis ac calidiffimis  
votis venerabor, velit Te cœleſtium oraculo-  
rum interpretem & Amplissimæ Dio-  
ceſeos hujus Episcopum vitâ tranquilla, fe-  
lici & prolixa, atque ita annualium æternitate  
dignissima beare, ut queas Deo, Regi, Ec-  
clesiæ Tuis quam diutissime prodeſſe.

Vistro-

**V**estrorum quoqz nominum estimatio, beneficiorumqz recordatio, Pl. Rev. Prud. ac Ven. Dn. Promot: merito mihi hic occurunt, du concessa Vobis cœlitus pronitas in literas litterarūqz cultores, adeoqz meipsū, nullis non encomiis est extollenda. Vestrae autem benignitatem narranda multæ pagellæ non sufficiunt: sufficit verò mihi nunc illud indicasse, nempe animum ad officia esse paratissimum: alia dona, ipse egestatis onere à teneris pressus, ac inde studiorum cursum satis difficilem expertus, Vobis in vicem præstare benevolentie offerenda vix inveniam. Excipite iam in tenore grati pectoris, Promotores ac Eautores Benignissimi pronis animis hocce chartaceum munus, potius animum offerentis, quam ipsum donum aspici- entes; Quandoquidem exquisitiu[m] elaboratum proferre ob inopiam nequiverim Auctorum, quos haec viâ ac modo mibi preeentes non offendere. Vosvero valete Musarum deliciae, Promotores ac Benefactores optimi, ac diu felices vivite, & singuli favete

Tuæ Reverendissimæ Amplitudinis

5

Rever: Dignitatum Vest. ac humanit.

devotissimo clienti  
observantissimoqz cultori  
JOHANNI FOGBEF

In

Disputationem

Præstantissimi Studiosi

DN. JOHANNIS ROGBERGII  
Smol.

Sympatriotæ & amici non infucati.

DE IGNE VESTALI,  
*proprio Marte elaboratam,*  
*Ἐπίγραμμα :*

O rdinis Inventor Vestalis erat Nu-  
ma primus,  
Ignem, *Pompilius*, perpetuum sta-  
tuens;  
Lampade inextinctâ extinctorum qvip-  
pè sepulchra,  
Ritè colenda jubet, sœvus & hostis  
erat.

Virgineus, ROGBERG, clarum, chorus  
optat amœnus,  
Post cineres nomen, perpetuum ma-  
neat.

Honoris ergo  
scripsit

E L I A S T il-L andz/  
Med. Doct. & Prof.

JUVENIS

*Doctrinæ, modestiæ, & industriæ laude eximii  
ac commendatissimi,*

Dn. JOHANNIS ROGBERGII  
Amici sui & Commilitonis, diu mul-  
tum dilecti,

*Dissertationi publicæ, proprio studio conscriptæ,  
& egregie defensæ, festinanter addita*  
GRATULATIO,

**N**ote mihi dudum, virtus, pietasque  
foventur  
En tua cum reliquis, tum mihi ritè  
placent,

Rogberg. Jam monstrans Doctis mo-  
numenta laborum,  
Quid valeas studiis, insimul arte  
probas.

His animum donis & vitam moribus  
hifce,

Ornatus semper; gratia major erit:  
Mentibus hæc hominum creſcit, dabit  
ipſe virescat

Ut sua Tî pariter gratia magna,  
DEUS.

DAVIDE LUND.

*Gratia Diva Poli demulcens Nectare cuncta,  
Proposito nostro vela secunda ferat!*

## MOMENTUM PRIMUM.

§. I.

**R**omanorum studium ac ardorem, cultibus sacris observandis & amplificandis intentum, nobis in apricum producturis, fatalis nebula vix flabello removenda, Auctorum nempe dissensio, quovis Cothurno inconstantior, obvenit: quæ veritatis satelliti summis viribus pro veritate obtinenda certanti, remoram objicere avet; ni hæc divortia sententiarum, obscuritate obtutum primâ fronte obnubilantia, ad æqvam judicii lancem revocet. Nos igitur circa auspicia telæ susceptæ, omnes motus evitaturi, existentiam æterni ignis probandam, qvò clarior materiae elabrandæ facies appareat, adeamus. Cum circumspectiori cura sacras pandectas meridianâ luce illustriores, candidiorem nobis haud dubiè calculum addituras

A.

con-

consulimus; ipsæ instinctu Divino conservatum ignem à Judæis fuisse asserunt. Lev. cap. 6. v. 12. Ignis in altari semper ardebit, quem nutriet Sacerdos, ligna per singulos dies subjiciendo. Viguit ergo primò usus Ignis sacri in Ecclesiâ judai-  
 ca, cui, seposita omni dubitationis alea, (sed ex κακοζηλίᾳ & suggestione impuri spiritus, ad augendum brutalem Ethni-  
 corum idolomaniam) natales suos reli-  
 gio igni alendo consecrata Ægyptio-  
 rum debuit. Et meritò quidem hic lo-  
 ci producim⁹, quod ad allegatum caput  
 commentatur Magnus Calovius his ver.  
 bis: *Ignis cœlitus delapsus, perpetuo foveri  
 ac servari debebat in altari. Quod gentiles  
 non nisi impulsu Dæmonis, qui similitudine  
 Ædivini cultus, imitati sunt. His tantus  
 diligentia ardor ac alacritas in hoc cul-  
 tu urgendo fuit, ut curam nullam, nul-  
 lum tempus omiserint, quō foci sui i-  
 gnem, ad alias deinde gentes propagatū,  
 non observarunt. Vix nos demittunt  
 à foci hujus contemplatione Indi, qui  
 bus mos inváluit ignem cœlitus, ut ajunt,*  
     *dela-*

delapsum, apud se sempiternis foculis  
custodiendi. Existimat se rem expe-  
rientiâ collectam evulgasse Plutarchus,  
dum dicit in Jovis Ammonis templi a-  
râ λύχνον ἀσθετόν five lucernam inex-  
tinguibilem arsisse, atq; altaria flammam  
servasse. Magnum Pyræum Mago-  
rum vigiliis nutriendum Græcis πυρεῖν  
seu vas igniarium, à Persis inter omnes  
Deos maximâ veneratione colebatur.  
Alieni non fuere ab hâc ineptâ Sancti-  
moniâ Cappadoces, qui Pyrathéa, sa-  
cella modica, & in eorum medio aram  
cinere haud modico igne q; continuo  
à Magis custodiendam, ergebant. Fre-  
quens Auctorum doctrina assensu com-  
probat, hunc ignem extitisse Mantineæ  
in templo Cereris, Athenis in Mivervæ,  
Delphis in Apollinis. Græcorum con-  
suetudo utramque paginam facit, initio  
fine q; sacrificii igni perpetuo dicatis.  
Absque hujus adeo cultus ritu, præru-  
ptis calumniæ nebulis obfuscatur religio-  
nis vigor credebatur. Ignis deinde ser-  
vandi morē, in desuetudinē abiturū a-

4  
pud Græcos Romani suum fecere, qui exceptus, per longam annorum seriem radices egit, & proh dolor, fructus temporis autumnalis racemis haud absimiles, apud eosdem incrementa capiens, tulit. Hæc superstitione, ex allatis rationibus pectore prompto in piscis concedenda, *Vestæ* audit.

§. II. De origine hujus vocis semina dissensionis alunt multi. Alii à vestiendo, quod terra, quam eā significari ajunt, variis tum herbis tum plantis vestiatur, illud nomen deducunt. Quidam dictam ferunt, quod vi suâ stet. Ovid. 6. Fast.  
*Stat vi terra sua, vi stando terra vocatur,*

Et alibi

*Vesta eadem est, & terra subest subit ignis utriq;*  
*Significat sedem terra focusq; suam.*

Nec desunt qui ἄπο τῆς Ἑσίας nomen hoc ortum volunt, aspiratione in v conson: mutatâ, cui opinioni favet Oratorum Coryphæus Cic: lib. I. de Nat. Deorum. *Vestæ nomen sumptum est à Græcis, illa enim est, quæ ab illis Ἑσία dicitur, vis ejus ad aras & focus pertinet. Interdum ipsius ignis nomen*

5

nomen sibi induit. Cui opinioni calculum addit dulcissima crena Ovidii 6. Fast.  
*Nec Tu aliud Vestam, quam vibam intellige  
flammam.*

*Nataq, de flammâ corpora nulla vides.*  
Hic ignis vivacitatem materiam ustibili promovendam intelligit, quae jure Virgo est dicenda, dum semina nulla remittit: dicit Carol: Steph: in suo Dict: ut & August: de Civ. Dei p. 235. Qvis enim ferat, quod cum tantum honoris quasi castitatis ignis tribuerint, aliquando Vestam non erubescunt etiam Venerem dicere. Alias gratia & sublimitas religionis, mediis in flammis, hanc Virginis appellatione, maxime illustratur. Tanto enim decori, illibata virginitas veteribus erat, ut omnes in pectore sensus ejus laude moverentur. Cui etiam, Aeneam Trojam veniente, condito Lavinio, sacrificiorum primitias obtulere Graeci, Rhamnus Sylviam Romuli matre, a Numinatore patruo, virginem Vestali creatam. Exinde ignis perpetuis vigiliis Vestalium alendus, atque piis usibus servandus vires acquisivit.

Hic Poëtarum decor Virgilius rei hujus agnitionem, sine dispendio veritatis promovet. Æneid. lib. 2.

*Sic ait & manibus vittas Vestamq; potentem,  
Æternum adytis effert penetralibus ignem.*  
Ita Poëta Hectorem Trojanorū ducem spectatæ virtutis, Priami & Hecubæ sboleū, inducit alloqventem in somniis Æneam ejusque curæ commendantem fascias, pepla Deorum, Vestam, cuius nomine cultus hic celebris fuit, & ignem perpetuum in intimis sacrariis recondi solitum.

§. III. Vesta Poëtarum applausu fuit Saturni & Rheæ filia, fratribus Plutone, Neptuno & Jove, sororibus Cerere & Junone gaudens. Nostras iterum partes defendendas suscepit Ovid:

*Ex Ope Junonem memorant Cereremque creatā  
Semine Saturni, tertia Vesta fuit.*

Ops dicebatur, qvia terræ ope, vita hominum reficitur. Huic Deæ Augustus Matronas sacrificare & carmina cantare jussit, ut mortalibus alimenta, fame & siti prementib⁹ Italiam, suppeditaret: alias Rhea nominatur.

§. iv. Auctorum placita, diversitas faciem primo intuitu præbentia hic non tanti sunt ponderis, ut ruinam minari, nedum accelerare assertioni queant. Re enim ad æqvam judicii lancem revocatâ, ipsum concordiæ conjugium promittit. Faciles concedimus Saturni matrem, imò Cererem & Vestam hanc, eodem nomine venisse: sed factô inter universam terram, & frugiferam discrimine, omne dubii periculū in fumum resolvitur. hoc nomen obtinet cum in Deorum numero æqvè ac terra in mundo existit. Præterea vis ignea in gremio terræ refocillat vegetabilia, atque mater rerum omnium fœcunda viget. Cui veritati, qui non secutus fuerit castra militantium pro igne sub concavo lunæ, faciles præbebit aures: istam vero vanitatem, experientia quotidiana naturæ secretis dedita investigandis, ut & montes Vesuvius & Hecla ignes expuentes, diffiant. Fundamento urbis sedecim regni constitutis, locum servando igni Ascanius Albam longam elegit. Seqventi

ætate, etsi incolis urbis matricis Albæ in cineres redactæ, habitaculum Roma mansit; tamen pertinax supersticio Deastrorum, pro igne augendo custodiendoque excubuit tanto zelo, ut magno lapidationis impetu cives à sacris Romanam transferendis deterrerent. Ignis ideo Albæ servatus multis annis, etsi Romæ accrescebat, ibi non desit. Romani ideo circa initia urbis, Diis auspiciis sacra parantes, omnes ingenii nervos igni incendendo intendebant. Quod allatis statuisse sufficiat.

## MOMENTUM SECUNDUM.

**S. I.** Existentiæ veritatem luci meridianæ expositam, ignis perpetui fontes excipiunt exhauriendi. Hic sententiis specioso argumentorum obtentu veluti Gordio nodo intricatis; adhærere operæ non est pretium, dum demptâ fallaciæ larvâ, grato atque jucundo introitu, res ponderanda, & ipsa experientiâ roborata animis illabitur, Elementa hujus ignis è tomite sumpta esse assi-

afferens. Hic in aris & focis situs pre-  
cationibus ac sacrificiis destinatur. Cui  
Templum anno urbis 40. & imperii se-  
cundo Numa sacravit. Ovid. lib. 3. Trist:  
*Hic focus est Vestæ, qui Pallada servat & ignem,*

*Hæc fuit antiqua, regia parva Numæ.*  
Nempe in Palatio Vestæ templum est, in  
quo palladium servatur, eentes ad Au-  
gusti ædes, Palladis sedem præteribant,  
in quâ ejusdem simulacrum asservaba-  
tur ligno compactum, movens oculos  
atq; hastam manu retentam: hoc jun-  
gebatur templo Vestæ, ex Regia Numæ  
extructo, ac igni perpetuo consecrato.  
Ornavit deinde Numa ædem marmoreo  
nitore, quadrantis figuræ specie geren-  
tem; quo imperii pignus majori vene-  
ratione sartum teatumque maneret, &  
ignis facer omnis interitus & detrimen-  
ti expers arderet. Cujus suffocatio in-  
ter gravissimas imperii jacturas, nume-  
rata est.

§. II. Hic Doctorum lis de Auctore  
fani, in quo ignis perpetuus Romæ vige-  
bat, Vestalitiq; ministeria peragebantur

in medium proferenda, occurrit. At aliorum sententiæ, albo calculo originem ad Romulum, qvorundam ad Numam Pompilium referunt. Dionysius, qui Demst. suffragio claræ opinionis ac estimationis in historia Romana, fuit ceu pro focis arisque pugnat pro Numa P. contrarium foventes refutando. *Veritati enim conforme dicit Romulum Vestæ sacerdotes non constituisse*, qui memor forsan fuit materni decoris, quod in hoc ministerio stupro, proditum est. Violaturam ideo virginem leges castitatis, debito supplcio, vix sine memoriâ probri domestici, afficere potuisset. Probabilior ergo ratio Numæ rudimenta hujus idololatriæ tribuit.

§. III. Latentis naturæ mysteriis rimandis dediti, ignē in rebus creatis delitescere sensere, qui ideo in hunc usū, casu interveniente extincionis, eliciebatur ē tabula felicis materiæ, terebrâ in ligno quodam circumversâ, atque ingentium virium impressione coactâ, donec exceptum cribro æneo in ædem aliqua Vesta-

ſtalium inferret. Occidui orbis Indis ea-  
dem ratio accendendi ignis familiaris  
fuit: Græcis item; ſed cum differentia  
tenui; ſiqvidem flammam puram be-  
neſicio radiorum ſolarium, ſcaphiis ſeu  
vafculis eliciunt, qvæ æqvalibus lateri-  
bus, reſtangulis trigonis cavata ſunt: de-  
vergunt ex circumterentia in unum  
centrum, atque ſoli oppofita radios, in  
ipſum centrum à corpore renittente co-  
actos, implicant: Aëre attenuato fomen-  
ta leviffima atque ſicciffima apponunt,  
qvæ facilimē in radiorū renixu & refle-  
xione ignem accenſū concipiunt. Diſfe-  
rente Demſt. in Antiq. Rōm. c. 19. p. 303.  
Lipsio. &c.

§. IV. Ut herbarum ſavitas qvæ torpo-  
porem ſentit, hyeme ingruente, iterum  
læto aspectu veris caput effert, refrige-  
ria æſtatis recipiens Nectare ſaviora:  
Ita focus Gentilium perſuafionē fulgebatur  
ſalubrior, ſub auſpiciis anni denuo in-  
ſtruct⁹: dum annus & ignis facibus alen-  
dus iſpis Calendis Martii, ſecundum  
iſtius ſeculi conſuetudinem, initia repe-  
tebant. Ita Ovidius.

Adde

*Addit quod arcana fieri novus ignis in æde  
Dicitur, & vires flamma referta capit.  
Diversas opinionum nebulas, instar ra-  
diorum, aciem intentionis impedientes,  
sicco, qvod ajunt, pede præterimus.*

*S. v. Extra oleas & in aliena messè  
non existimamus nos versari, varia li-  
gna, usibus hisce, sulphuris copiosissimi  
aptata atque nocturnâ diurnâq; cu-  
râ Vestarium congesta, si affirmaveri-  
mus; qvorum certam & accuratam e-  
lectionem in deliciis fuisse non est du-  
biu. Sed qvis summam devotionem  
in religione urgenda admiratione æ-  
qvâ prosequatur? illam putarunt, esse  
βάσι πάτησι ανθρωπίνων καὶ θείων περιγράφω  
ruerent enim omnia hominum, uti o-  
pinabantur, hōc unitatis fidei & con-  
cordiæ jugō separato; defluerent imò  
in criminum & scelerum irent licen-  
tiam, ubi non hoc repagulum. Tem-  
plum igitur Vestæ, qvod pilæ formam  
præferebat, summâ religione colebant;  
cujus aditus nemini virorum patuit, nē  
in omen triste rerū futurarū verteretur*

inceptum. Introitus qvidem templi omnibus die, sed sub noctis quietem nulli masculorum, pervius erat. Occasionem templi adeundi iter longum emenius, non neglexit Nero; veniens in capitolium, Vestae templum frequentavit. Eodem animi ardore limina Deæ accessit Piso, Alique. Gratum fuisse virorum ad templum adventum, sed intimam penetrationem ingratam, non inficiamus. Ad hæc Ovid.

*Sacra Vir intrabo non adeunda viro.*  
 Virginum igitur castitati & fidelitati penetralia ac sacræ religionis mysteria concessa erant. Hoc modo veneracionem quandam illis tribuebant, uti ipsis Græcis & aliis populis altaria sacra violare nefas fuit. Pausanias crimine notatus ad aram instar asyli confugit. Florus scriptorum acutissimus non silentio præterit Q. M. Scævolam Pontificem, qui amplexus est Virg. Vestales, ne eodem igne periret.

§. vi. Progredientium præterea in ædem Vestæ oculis nullum esse simulacrum

crum objectum, præter aram & ignem,  
lubens concedit Poëta.

*Ignis inextinctus templo cœlatur in illo*

*Effigiem nullam, Vesta nec ignis habet.*

In Deorū tn. numero censenda non præ-  
teriverunt duo Numinæ in Palatio, Ve-  
stam & Apollinem, qvorum clientelā ac  
ductu, religionis sinceritas salusque pu-  
blica, tanquam fundamento, innitebatur.  
Aliorum suffragia veritatisque affeclias  
plures consulere, brevitatis amantes, hâc  
in re supercedemus.

§. vii. Pectore ita candido Vestaliū  
vigilias ac lucubrations, foco ac igni  
perpetuo esse sacratas probatum ivim⁹.  
Auctoritas Flori finem ac scopum hujus  
mysterii exprimere satagit, dicendo :  
ideo focum virginibus datum fuisse cu-  
stodiendum, ut ad simulacrū cœlestium  
siderum custos imperii flama vigilaret.  
Sicut sidera scintillationis nunquam sunt  
expertia; sed luminis beneficio se tem-  
per explicantis ac radios emittentis, ful-  
gorem spargunt proficuum : ita ignis  
hic suo splendore æternitatem rebus  
im-

imperii afferret. Cujus repressio da-  
mnum nullis lachrymis revocandum,  
Reipublicæ accelerare existimabatur.

### MOMENTUM TERTIUM.

§. I. **S**ic plenis velis, omne utinam fe-  
lici, charybdim infestis æstibus in-  
famem, trajecimus; demonstrando exi-  
stentiam originem, conservationis ardo-  
rē, finemqz ignis perpetui ab ipsis genti-  
libus conceptum. Ad mysteria sub hoc la-  
tibulo detegenda, nostra devolvitur ope-  
ra, qvæ omniū ferè industriā ludit. Pluri-  
mi non imi comatis viri diversis cogita-  
tionū fluctibz, in hoc imperii pignore in-  
dagando, quid fuerit aut portenderit, a-  
gitantur. Omniū ferè vox, non tantū in  
castra æternos ignes affirmantiū transit;  
sed etiam imperii pignus, i. e. arcanum  
vulgo ignotum in penetrali reservari  
asserit; cuius notitiam tantum Pontifi-  
ces & Virgines exploratam habuere.  
Rem dignam fide reddit incendiū, cum  
pernicie urbis Romæ conjunctum, qvod  
templum Vestæ haud intactum reliquit,  
igne

igne non tantum vivente sed & viente in  
adyta ; tum L. Metell: Pontifex suæ sa- de  
lutis oblitus irrupit, & metu percurrente do  
pectora virginum, incendio consumen- fa  
da sacra è flammis eripuit ; hinc ho- al  
mo potius sacræ Vestæ, qvam illa homi- v  
ni prodesse potuit. Sic sacra, non cu  
tuendis bonis temporalibus, sed signifi- st  
candis æternis, instituta sunt. O! cœcitas g  
major lachrymis; quæ non corporalibus  
& visibilib<sup>9</sup> consumptis & funditus dele- f  
tis, omnem spem salutis, ex idolis re- f  
cuperandæ, damnavit.

§. II. Qvidam acqvescunt conjectu-  
ris, afferentibus Deos qvosdam Samo-  
thracum ibi recondi, qvi alias Penatum  
nomine veniunt, qvorum nutui non cen-  
semus accedendum. Perswasio plebi ma-  
xime plausibilis confirmat, Palladis mi-  
nutam effigiem è cœlo esse delapsam,  
Iloque Regi traditam; qvæ tricubitale in  
magnitudinē æqvabat, dextrâ manu te-  
nens hastam, sinistrâ fusum columque.  
Imaginem hanc Palladis continuis cu-  
stodiis servandam tradidere, quo ejus  
incolumitate omnes salvi essent. §. III.

in §. III. Qui sibi plus in his sapere vi-  
 dentur, dicentibus cum Plutarcho duo  
 te dolia haud magni ambitus significari,  
 farent, unum ad summum impletum,  
 alterum vacuum, utrumque tamen folis  
 virginum oculis usurpandum. Alii se-  
 ncuri existimant, sine omni scrupulo ca-  
 stam & gratam quietem suæ propu-  
 gnatæ sententiæ accedere, ni in medio  
 opere sensuum varietas quemquam di-  
 strahat, si impræsentiarum arripiant  
 sententiā Statii defendendam, lib. 2. Theb.  
*Pervigilem focis ignem longæva sacerdos*  
*Nutriet arcana, non inspectura pudorem.*  
 Innuit his verbis Scholia stes, citante Lipsio,  
 arcana pudicitiam aut ejus simulaçrū,  
 id est, palladium intelligi, quo viso Me-  
 tellus visu destituebatur; aut virginita-  
 tem, quam partem hæc effigie religio  
 intellectam voluit. \*

## MOMENTUM QVARTUM.

§. I. **A**uctoritate doctorum, nitidiore  
 luce hæc mysteria illustrante, sa-  
 crificiorum varietates ac ceremoniæ o-  
 B culos

culos animi alliciunt, quæ sepositis am-pi  
bagibus, ut instituto celeritatem impo-m  
namus, Vestarium iteratâ curâ vigebant. co  
Has virgines Vestæ sacra celebrantes ti  
ac custodientes, à Dea ipsa denomina-  
tas, ante conditam Romam fuisse La- ai  
vinii & Albæ, in propatulo est, quæ nul- q  
li labori parcebant, nec ducebant alie- n  
num a sua dignitate dimidia nocte ex- tu  
citari ad sacra peragenda, somniq̄ tem- T  
pora arctiora quam noctis habere.

§. II. Volunt quidam curam aquarum  
igni fuisse conjunctā, cū fons Camœna-  
rum aquâ suâ Vestarium commodis in-  
serviret. Numam enim referunt, prata  
& campum (ubi frequentissima cum  
Egeria fuit ipsi consuetudo) Camœnisi,  
& fontem, dulcibus aquis circumiacen-  
tem terram alentem, dicasse; id est, sa-  
cram aquam Vestæ attribuisse, ut inde  
ad vascula purificanda Lympham hau-  
rissent. Dii enim limpidissimis dele-  
ctantur rebus. Horat. lib. 3. car. Od. 24.

*Casta placens Superis, pura eum Veste venite  
Et manibus puris, sumite fontis aquam.*

Piis

Piis usibus inserviens aqua magni aestimabatur, non tamen cum aeterno igne comparanda, qui inviolatus sacris votis & ministeriis mansit perpetuus.

§. III. Officiis Vest. sub incudem examinis revocatis, in hac cura ab antiquis amata occupati, Vestalium electionis prægnantes causas aperiemus ; ita ut brevitas discutiat tedium legentis. Tam sincerus ac religiosus ardor animis veteri inditus fuit, quamvis in re mala ut omnibus rebus ac actionibus religioni post habitis, singulare studium huic etiam Deæ vetustæ sit tributum : nam sectatricibus castitatis in hunc usum selectis, suo more religionem colebant. Primò ob castitatem, sorores conjugium ineuntes non secuta Vesta, castitatis exemplar vixit ; ideo ejusdem fortis virgines eligendas, custodiæque huic sacræ accommodandas consultius duxere Veteres. Splendor adeo ac decor castitatis extimum honorem obtinet, qui radiis haud obscuris fulget. Inter metalla aurum eminet ; inter virtutes muliebris

sexus pectoris castitas. Deinde quod  
virgines non implicitæ curis matrimo-  
nii, facilius & felicius hisce sacris o-  
peram darent.

§. iv. Sortilegio sæpè ab ipsis in-  
cunabulis virginibus provinciam hand  
Pontifices demandarunt administran-  
dam, quod arbitrio suo Max. Pontifex,  
abrogatis regibus, direxit. Alias ele-  
ctorum viginti virginum (tot semper  
subivere aleam sortilegii) unam, do-  
tibus spendidis præditam, sacrificiis de-  
stinavit; reliquas in medium adductas  
domum remisit. Frequentia etiam  
in concione vel comitiis curiatis, ut  
testes adessent, amata est, quæ digni-  
tatem sacerdotio fœneravit: sicuti ob  
ipsum multitudinem virginum sortium  
jactus levior contingere potuerat. Hæc  
sortitio ex lege Papia, habebatur; cum  
quis honesto genere ortus, Pontifici  
Max. obtulit ad officium filiam su-  
am, eidem legis præscripto per sena-  
tum gratiæ aguntur: hinc ma-  
gnum favorem Pontificis, offerens fili-  
am

am collegit. Alias extinctâ unâ Vestalium occultus metus timorque multorum pectora permeavit, qui hæc ministeria aversabantur, nec in sortilegium dare filias suas volebant; unde multâ industria apud illos, qvorum intererat, illud avertere conabantur.

§. v. Virgines Ministras rerum sacerarum ab initio quatror fuisse Demst. pag. 301. asserit. Sacrificiorum multitudo auctâ, sex pro urbis constitutione erant Vestales. Hic facile à vero rece-  
dientium calculo non subscribimus, se-  
ptimam addenti, cum ejus vis nostram  
opinionem non valeat enervare, qvævis  
n. portio civitatis, sacerorum ministram  
unam possidebat, qvâ totius reipublicæ  
salus fulciri, opinio fuit. Ætatis etiam  
delicium habebatur, cum ad sortem ne-  
minem sex annis minorem, nec ul-  
lam majorem decem, admisere.  
Huic opinioni judicij Poëtæ congruit.  
*At primum parvæ teneris capiuntur in annis,  
Ante voluntatis propriæ, quam libera facta,  
Justa maritandi condemnat vincula sexus.*

Insuper genus, corpus aliaque naturæ bona, ministerio sacro idonea notarunt: ne Parentum servitute austorditie, lingvæ debilitate, aliâq; corporis labe sinceritas religionis ac claritas obfuscaretur.

§. vi. Exceptis atq; piis ministeriis destinatis Virginibus necessaria erat disciplina, ne illotis, quod ajunt, manib<sup>9</sup> sacra tractarent. tres ideo classes discentium exercentium & docentium fuere. Hac in opinione nobiscum facit ingeniosissimus Seneca de vita beata, cap. 29. *Virginum Vestalium more, qua annis inter officia divisis discunt facere sacra, & eum dicerint, docent.* Adhibitæ, tricennale tempus, quo sacrificiis urgendis destinatæ sunt, expertes conjugii maximâ curâ seständo castitatem conterebant: decem ministerio discendo, decem exercendo, decem docendo alias tribuntur; his præterlapsis fas erat cuique pro lubitu, 37. ætatis annum supergressæ aleam conjugii experiri. Alſensor ac socius hujus sententiæ est Prudentius.

Nubit anus veterana sacro perfuncta labore.  
 Plerasq; tn. Virgines in Sacerdotio perseverasse, ad ultimam lineam rerum Auctorum dogmata adstruunt. Tacitus ait: *Occiam septem & quinquaginta annos summâ sanctimonia sacris adhæsse.* Existimandum tamen est eas nonnunquam remotos ab exactissimo hoc cultu oculos ac mentem habuisse.

## MOMENTUM QVINTUM.

**§. I.** **D**E custodum perpetui ignis electione, disciplina & officio certiores; præmia, honores & immunitates earundem illustrabimus, ubi lucem haud minimam nostro instituto libertas eis concessa parit, quod jus illis testandi patre adhuc superstite fuerit. Hoc beneficium aliud suscipit, quod ipsis captis etiam, ad vitam cuiusvis ab injuriis defendendam, lictor addebat, nè rediens à cœna vesperâ aliaq; occasione caput periculis subjiceret. Nos hac de re certos relinquit Seneca i. cont.

**2.** Procedente hac Lictor submovere ju-

bebitur, id est, pericula. Huic Prætorre via cedit. eis Magistratus suos fascessu submittunt Prætorum Consulumq; hoc-  
nore amplectendis.

§. II. In foro nullo juramento ob-  
strictæ causam dicebant, ob fidem ad-  
hibitam sinceritati religionis. Honor  
etiam earum in eo maxime apparet,  
dum Vestalis virgo sacrificans, nummis  
cum ipso habitu infigatur armis or-  
nata, cui, Laciniatogæ in humeris re-  
jecta est. Post fata etiam dignitas virgi-  
nū in magnâ æstimatione est; defuncta  
frequentiâ hominum stipata, in currū  
arcuato, Græcè est τὸ Φορέων, qui gere-  
bat speciem thrensæ, efferebatur. Qui  
tum animo protervo aut malitioso su-  
biturus accessit lecticam, mortis pœnam  
non evitavit.

§. III. Ornatūs quoque decentia, suā  
laude non est defraudanda ; phaleris  
aureis se cingunt, tempora tæniolis, &  
liciis crines ornant. Gratus quoq; pur-  
puratarum vestium ipsis usus fuit. Præ-  
textâ adhæc, id est, limbo in oris Purpu-  
reo

treo gaudebant. Nec vestimento albo,  
suffibulo, quadrangulo oblongo, quæ in  
capite, inter sacrificia peragenda, usur-  
pabant, destituebantur, ut lasciviam a-  
liasq; vanitates ex animo eximerent.

§. iv. His accedunt stipendii benefi-  
cia haud tacenda. Numa enim eas, pu-  
blici boni thesauris liberaliter, ut & a-  
gris, ex quibus, liberatæ à laboribus, vo-  
luptatem animi & recreationem corpo-  
ris caperent, donavit. Curam & dili-  
gentiam in has possessiones augen-  
das, Augustus haud sine laude contulit  
*dicente Svet:* Sacerdotum dignitatem,  
commoda præprimis Vestarium virgi-  
num, quibus permagni agri accessere,  
amplificavit; Insuper Lipsio annuente,  
*Corneliae virginis Scantiæ succedenti H. S. vi-*  
*cies dedit, quinquaginta nempe Philippæorum*  
*millia.* Circa preces fundendas, ali-  
asq; res peragendas, in coronâ homi-  
num, earum excellentia præ aliis valuit,  
in theatris adeundis, aliisque locis cele-  
brioribus, primarias semper sedes occu-  
pavere. Festum quoq; in honorem Vestæ

anniversarium celebrari Augustinus, in  
de Civ. Dei pag. m. 148. dicit, & Ovid  
Pridie calendarum Maji festum Floræ  
Vestæ & Apollinis frequentari.

*Exit & in Majas festum florale calendas*

*Tunc repetam, nunc me grandius urget opus.*

*Aufert Vesta diem cognato Vesta recepta est*

*Lumine, sic justi constituere Patres.*

*Pbœbus habet partem, Vestæ pars altera cessit,*

*Quod super est illis, tertius ille tenet.*

## MOMENTUM SEXTUM.

### §. I.

**H**onorum præmiorumq; deliciis, delectabili suavitate, ante oculos positis, in opera suscepta, perpetui ignis pabulo alendi custodum pœnæ, cautâ æstimatione pensandæ, se nobis præbent. cum habenas, ruenti ad noxia voluptatū voluntati, laxabant virgines, ultimæ ultioni reservabantur. Suspitione de virgine quâdā ortâ, necessarium ducunt eam aliquo signo castitatis liberari. Tucia Vestalis virgo cum incestus insimularetur, suam innocentiam, aquam cribro ex

Tiberi

Tiberi hauftam, in Vestæ ædem defendo, probavit. Qvæ media veritatis eliciendæ, nos verâ evangelii luce illustrati scoriis gentilium accensemus. Hæc ergo & alia hujusmodi ludibria nequaquam cum illis, quæ in populo Dei facta legimus, ulla ratione conferenda sunt: quanto minus ea, quæ illorum quoque populorum, qui tales Deos coluerunt legibus judicata sunt facinorosa atq; plectenda; Magica scilicet Theugica? Quæ omnia mortalium sensus, imaginariâ ludificatione deceptos seducunt. Multa sibi homines cogitationis vanitate fingunt, quæ se vidisse arbitrantur cum nihil viderint, idque phantasmate aliquo oblato, tam fit facile, ut nihil crebrius contingat, undè maxima pars eorum orta, quæ de spectris & visione in vulgo sunt freqventia: tum sæpius Dæmones oculis mortalium suis ludibriis imponunt. Nec mirum est hæc fieri posse Dæmonibus, & falli ab iis obtutus no-

in-

stri aciem: sed has Præstigias & spectro-  
rum agmina recensere nostri non est  
instituti.

§. II. Vestalem virginem levioris  
delicti flagellis , aliisque corporis ve-  
xationibus cædunt, servatâ tamen vir-  
ginitate & pignore castitatis : addit cal-  
culum rei affensu excipiendæ Valerius  
Max: lib: I. Cap: I. P: *Licinio Pontifici Ma-*  
*ximo Virgo Vestalis, quia quādam nocte pa-*  
*rum diligens æterni ignis custos fuisset, di-*  
*gna visa est, quæ flagro admoneretur, dum suas*  
*vices nocturnas non impleverit.* Graviori  
scelere convieta, suum peccatum severi-  
tate legis, pœna capitis luere debuit. Nul-  
lam tunc curam huic reæ sepeliendæ im-  
pendunt, illa enim per forum inclusa atq;  
loris revincta effertur, demptis prius à  
Pontifice vittis ornamentisvè, quo earū  
vox nullius aures impleret , omnibus  
obviis à via silentio decedentibus, obdu-  
ctisq; imperciliis. Hunc actum brevibus  
expressit in antiquit: Rom: Rosinus  
Pec:

Peccantes delatæ ad Collinam portam extra muros in subterranea cella sepeliuntur, nec monumentis dignitatis aliisq; solennibus defunctorum honoribus dignæ habentur. Aggerem vocant hunc tumulum, in eo est exstructa domus, unius hominis capax specusq; à superiori parte, ubi lectus stratus, lucerna ardens, paucaq; vitæ sustentandæ necessaria inveniuntur, ne corpus summis consecratum ceremoniis, fame pereat. Vincula Lictores solvunt, ut à carnificis manibus immunes sint. Princeps sacrorum, manibus ad Cœlum sublati, antequam supplicii necessitati fiat satis, secretis suspiriis preces fundit. hinc ipsam educunt & in scalis, deorsum in domum delatis constituunt: sic viva miserabili modo terram subitura descendit! Sursum deinde gradibus attractis, multâq; superne terrâ congestâ, dom<sup>9</sup> occulta complanatur. Alios modos ab his sumendi supplicii, in medium proferre, studentes brevitatis omittimus.

MO-

## MOMENTUM SEPTIMUM.

Ignis artificialis, qui Imperii Romani rebus, sua constantiâ addere putabatur perpetuitatē, exordia & incrementa enuclavimus, tū illū per quasdam ætates progressum & ad ipsum fastigiū perductum, perpendimus; eundem adversitatum procellis concussum & extinctum, operæ pretium, priusquam manū sumimus ē tabula, ducimus considerare. Plerique in sententiam dicentium, ignem sub Christianis principibus, extremo Theodosii senioris ævo adhuc viguisse, eunt, & tunc ultimam manum focus pabulo alendis impositam fuisse. Antea concussā rep: sub Valent: Theodos: perpetuum ignem aliquem defecutum sensisse dicitur. Theodosius Major, eversā Eugenii Tyrannide, Romam venit contemptum religionis prophanæ in animis omnium excitaturus, deturbatis sic & eversis utriusque sexus sacerdotibus, sumptum publico huic igni fovento, ulterius non suppeditavit, quod auctoritatum fides, inscriptiones, aliaq; monu-

monumenta vetustatis demonstrare vi-  
dentur.

## MOMENTUM ULTIMUM.

**C**ronidis loco in mentionem vanis-  
simæ opinionis, vel rectius, supersti-  
tionis, multis proh dolor sub polo de-  
gentibus inditæ , incidimus. Ut fuit  
Diabolus, divinorum semper operum  
*κακόγηλος* atque *εμπαιχτης*. qui per impios  
suos ministros, in quorū numero fuisset  
Dionys. modo vera sit fabula , ē pe-  
tris percussis vinum elicuit ; quiq; arcam  
fœderis in populo Judaico servatam,cu-  
stodem legis divinæ, virgæ Aronis, &  
Mannæ,cœlestis cibi, imitatus est suâ ar-  
ca Bacchicâ. referente Oppiano; Ita per  
ignem , qui instar instrumenti Dei beni-  
gnissimâ curâ humanis usibus inservit,  
mortales seducere totis viribus conatur,  
dum ē lignis,superstitiosi, factâ commo-  
tione ingenti , ignem excussum variis  
arborum speciebus nutriendum ac-  
cendunt ; deinde omnia animalia per  
flammam ducenda adducunt, nè mor-  
bo-

borum vi veneficâ pereant. Hic naturæ viribus intentus indagandis , modum eliciti ignis non aliquam virtutem ad tale effectum producendum attulisse inventet. Eiusdem farinæ sunt characteres, ceremoniæ, imagines , sigilla collis suspensa; item verba ad effectus singulares producendos formata ; quantitatis enim nulla est actio , nulla efficacia. Nonne hi lusus & imposturæ Pontificiorum comparandæ veniunt fallaciis? qui lustralem aquam sanitatis esse electricem , morborum expultricem , Dæmonumque fugatricem docent ; qui etiam aquam supra pecora, pabula, mansiones, ignes, puteos, cibum, potumque, &c. effusam, habere vim singularē non inficias eunt. Christiani igitur est, pia devotione ac intimis suspicitiis hæc & similia retia, mortalitati in hac mundi senectâ exposita, effugere & detestari. Multa quidem essent ad huc in medium proferenda ; sed quæ propositi ratio vetat adferre.

Ut falso prisca est promere creditus ignis  
Omnia leta homini, vecerū placitu celebratur.  
Floruit binc Dea Romanis, quā Vesta perennis,  
Vestali & cultu superavit tempore longo.  
Tristia fata Dea sed tandem Roma gerebat,  
Ordinis exitium sic toto pectore anhelans.  
Hec primum caput tardis pallescere curis,  
At periit mox, lux ignis nec splenduit aquæ.  
Cumq; fidem dictis his afferat ipsa vetustas;  
Redditur effigies moris ricusq; sacrorum.  
Materiem talem placuisse mī intexere chartis.  
Non studio laudis fulget vilissima crena.  
Rarior Auctor erat mī talia dogmata prodens,  
Resq; inopes adigunt justo breviora referre.  
Sic bonus olector conatibus atq; favet,  
Invidus ut Momus fugiat. Tibi fata virescant!

Móvω Τῷ Θεῷ δόξα.

---

P A R E R G A ex variis  
Partibus naturalis cognitio-  
nis collecta.

1. Philosophia maximum Dei donum rectè di-  
viditur in Theoreticam & Practicam.
2. Abstractione consequimur veritatem; conce-  
ptu possidemus eandem.
3. Deus logice & Definitione perfecta non pot-  
est definiri.
4. Objectum Logices non includitur terminis  
Metaphysica. C f. Lin-

5. Logica etsi in omni sciendi genere insignem  
præstat utilitatem, notiones tamen secunda  
rem neg<sub>2</sub> mutant, neq<sub>2</sub> rei dignitatem im  
minuunt.
6. Lingua Novi Testamenti non est Helleni  
stica, multi tamen N. T. idiotissimi dantur.
7. Poësis est inter artes sermonis formatrices,  
adeoq<sub>2</sub> suo merito appellanda liberalis.
8. Materia Poëtices non tantum sunt persone  
earumq<sub>2</sub> actiones, sed prorsus uti oratoria  
tò érasor.
9. Conceptus entis in ordine ad substantiam &  
Accidens non est equivocus nec univocus  
sed analogus.
10. Perfection & bonitas sunt distinctæ affectio  
nes entis.
11. Suppositum & persona non formaliter sed  
materialiter differunt.
12. Pneumatica est distincta pars philosophiae  
& recte per scientiam propriæ dictam de  
finitur.
13. Formas non educi è Potentia Materiæ nec  
induci; sed vi divine benedictionis à gene  
rante mediante semine per traducem quasi  
propagari, omnino statuendum est.
14. Stoicorum Fato non est adhærendum.

15. Anima hominis à Diabolo ē corpore separari atq; auferri non potest , ut intersit veneficarum & sagarum choreis in Bructeromonte aut alibi institutis, corpore interea tanquam mortuo in lecto decumbente donec anima redierit.
15. Principia Practica rectè dicuntur communissima & immutabilia.
16. Actiones humanæ ut moraliter dirigenda sunt adæquatum objectum Ethices.
17. Affectus qua tales moraliter mali non sunt, sed quatenus à præscripto recterationis exorbitant.
18. Mores ex astris certo prædici non possunt, cum in intellectum & voluntatem drecte non influant.
19. Amicitia propriè Virtus non est, in Ethicis verò consequenter & non directe tractatur.
20. Magistratui Politico à Deo constituto obedientia est præstanda, sive bonus sive malus sit.
21. Agricultura est modus, ad acquirendum vivendum aliq; necessaria optimus.

Inter

Inter aliorum Philosophantium scripta, reperitur etiam hoc minimè contemnendum, apud Poëtam Hesiodum: *Non semper ætas est, componite nidos.* Hoc dicto studiosam juventutem adhortari vult, ne aureum tempus, adolescentiam scilicet, quæ doctis opta est studiis, sine fructu præterlabi patiatur. Hujus Poëtæ monitum, Tu Pereximie Dn. Respondens & amice favissime, bene tecū perpendisti, cum in choatos nidos extruere non destitisti, & ingenium tuum egregiis à pueritia studiis excoluisti. Idque porro agas, ut diligenter suscites quæ à Deo & natura natus es ingenii dona, & prudentem simplicitatem animi rectitudinem; quasi hæreditiam serves & adaugeas. Tendit eò votum, ut felici pugna palæstram disputatoriam ingrediāris, tandemq; Patriæ, Reipublicæ, Matri viduæ & reliquis necessitudinis vinculo tibi junctis, diu longeque decori & commodo semper sospes vivas!

Ita vobet

JOH: A. HORNAEUS.

JOHANNES ROGBERGIUS,

Juncopiâ Smo:

per àravayegiuus:

SOPHIA, SUB OMINE SUO, EN! CARIOR IGNE,  
Elaboratio. G. in E. verso.

**R**eligio duret, sancta & durabit in ævum;  
Nam Deus expulerat Tartareas te-  
nebras.

Christicolis Nobis, maneant sacra religiosa,  
Discursus celebris, qualia, Roma habuit  
Nos SOPHIAE gnarus Rogberg docet eccl.  
Satelles.

Castalides faveant, quem Charites relevent!  
Astripotens adsit latus SUB j, OMINE fausto.  
Hisce, SUO, cæptis. Robore macte animi!  
Aonis Sacrisque Redux, EN! CARIOR IGNE  
Ter fosses felix in Patriam redeas.

Vivas Cognatis, aliis Matriq, adamandus;  
Et vita functus Cœlica regna cape!!

Etsi stridenti stipula, tamen savio-  
ri animi concentu Coryphæo  
suo Amicorum modulabatur.

J. T. MALMBECCHIUS Juncopensis  
S. R. M. Stip.

Mo-

**M**oribus humanis nitidissima germina  
Phœbi,

Perpetuo prouunt, munera tumq; ferunt.

Sub celebri dextræ componens Præside curas

Præceptor vigilans candidus atq; probus,  
Culmen Parnassi concendit, compita Pindi

Tum querit properans; sic bene doctus erit.

Virtutis callem pressisti viribus, ægrum,

Affiduâ versans, ardua scripta manu.

Hinc tibi mox Phœbus cantabit voce canorâ,

Prospéra fata Poli, cœptaque respiciet.

Et modo pro meritis te pascet Nectare dulcè.

Munera suavifona, & splendida præmia  
fers!

Herculis æs non hec æquat, vel gemmula clara,

Thefauri nec habent, pondera queis rediment

Gratulor ergo tuis ausis, ex pectoris imo,

Sincerè exoptans, adfit amanda salus!

Et tandem nectant fertum, præfulera lycæi,

Quod capiti imponant, tu valeasq; diu!!!

Ex intimo affectu, arundine li-  
cet gracili, fid. suo Præce-  
ptori ita modulatur

**JOHANNES TORPANDER.**

*S. R. M. Alum.*

**L**ubens confiteor subsellia Apollinis ampla  
Non me oculis lustrasse dim, nec culmina  
Pindi,

Hactenus accessisse probè, vel labra rigasse,  
Fonte Aganippéo, Musarum aut dogmata saera  
Primis degustasse labris; nam fluxerat annus  
Mī numero parcus, facilis nec prodidit artes.

Ast quamvis nunquā sedcm perdocta Minerva,  
In me formarit; tamen bēc occasio præfens  
Poscit, gratuler ut Ti nunc Præceptor amande.  
Entbems ardor erat nam que florente juventa,  
Te cœpit, primā, claras & duxit ad ædes;  
Dum Musis aderas doctis constante labore.  
Doctrinæ partæ specimen proponere cunctis,  
Pergis, dum profers ingenti non sine laude,  
Ignes prisorum, cultos ratione profana.

Gratulor ex animo conatibus hisce per amplis,  
Insuper & vovo niveis advecta quadrigis,  
Ut veniat tandem studiis optabilis hora.

Quā ducat Rogber g Doctūtenus æthern virt⁹!  
Acceleret dextram tibi mollior aura salutem!  
Tandem defunctum terrestribus omnibus hisce,  
Te capiat Cœlum foveatq; quiete beata !!!

Ita Præceptorí fidelissimo officii debiti  
declarandi ergo Discipulus  
reliquit.

JACOBUS ESELUND / J.F.

Peregrinatio DN. RESPONDENS.

Musarum aluminis durissimo paupertatis telo  
pressis, videntur obstacula quedam obici,  
quod dum ad Musarum tendunt paladia, in va-  
sta quasi, ac monstris obsessa solitudine relin-  
quuntur: quis dum conantur huc transire, En!  
monstrum paupertatis viam minime aperiri  
patitur, sed conatus bonos impedit, ita ut ani-  
mus in diversas erahatur partes & in dubium  
revocetur, num certare audet. Quomodo  
se penumerò sit, ut vel plane animum vel ba-  
stam, ut diei soler, abisciant. Ast! dum cogitatio  
eos subit studiorum utilitatis atq; excellentiae, i-  
terrum ad constantiam redeunt. precipue dum  
secum perpendunt Curtii illud: Qvod nihil  
tam alce natura constituit, quo virtus non pos-  
sit eniti. Te vero, mi sympathet & dilectissime,  
verè ausim affirmare in studiis hoc modo pro-  
fecisse; nam animo non defecisti, sed magis  
magis animum erexit tuum, uniceq; spem  
in Deum collocasti, nec non summan juxta de-  
disti operam pirsuti ac artibus liberalibus; qvod  
satis probat hec tua docta dissertatio, quam  
proprio elaborasti Marte. Perge ergo in proposito  
ut Pallas largo tandem Te donet premio, ne  
non caput tuum herbis atq; corollis honorum  
ornet. Ultimo salute beeri! quod vovet

LIBORIUS Baumgardt.  
Junec Smol.